

洞賓

贈姚元明

榮華不藉富貴不戀妻男任交生怨萬事俱忘一志十分修鍊
心意常清常靜覺壺中天開地展堪賞翫見龍蟠虎繞坎離宮
殿或變嬰嬌女姪向明堂便把翡翠簾捲祥瑞中間認得本
來頭面手擎金丹大藥顯無為功成九轉神光燦便跨鸞奔赴
瓊宴

贈三水縣三老先生

志當堅確性常柔弱心猿意馬牢縛愛慾塵情俗念一齊拂卻
過去未來事理莫尋思更休計度居物外守清貧瀟灑莫嫌寂
寞慎勿憂愁衰老如有病心中轉生歡樂若是臨行好弱境
界休著常守真常無伴得靈明自然輝霍神光燦管惺惺灑灑
超昇碧落

贈甯海顏先生

降心一著有些法度要你自心省悟閑想骷髏模樣緣甚作做
因貪氣財色酒損精神墮於惡趣如恐怖管不須擒捉自然得
住覺照心開坦蕩見浮名浮利如無歸素內外倒顛顛倒道
家活路觸來不搖不動這本來一點堪顧神光燦上九霄跨雲
歸去

贈路宿劉先生

道藏輯要

丹陽神光燦

七

胃集七
川川

伊予同里自來交契各貪浮名浮利總悟無常物物般般捐棄
予先別離甯海又繼而賢來關裏願同志更同心同德同搜玄
理 慎勿攀緣愛念便甯心甯意全神養氣塵世之中不染不
著爲最慤慤完全功行常清靜有些消息神光燦潑熠熠地
是你真底

贈文登王先生

身爲環堵重封重鎖無著無漏無破閑裏尋閑閑中有閑功果
常守常清常靜便獨行獨坐獨卧忘機狡更忘名忘利忘人忘
我 朴實實心實做把多疑多惑多多打過得得來來得得得
箇甚麼真如如不動覺靈明靈靈則箇真消息是真真相濟

丹陽神光燦

表

胃集七
川上

真仙來賀

贈醴泉縣任公

任公決烈也待風流專心道上搜求子細研窮何者名爲真修
認正卽心是佛除心外匪是良由無別法便澄心遣慾捉住猿
猴 心上纖毫不挂更那堪時復閑想骷髏自是心忘境滅真
性優游常常心懷惻隱起真慈功行圓周神光燦向大羅恣意
雲遊

贈醴泉吳郎中

黃金滿屋白玉盈房兒孫羅列成行饒你般般遂意難免無常
要脫輪迴生滅除非是雲水溪傍常清淨也不須禮念只熱心